

90

Su furreddu de comare Antonietta  
 Pro su calore sempre istada appostu  
 S'abba pura de qualunque iscetta  
 No l'attidi isballadu enne mortu.

Su calore de gai fissu cumpostu  
 Mai lu occhi s'abba e su Tiseu  
 Su calore de gai cumpostu fissu  
 S'abba e su Tissu no lu occhi mai  
 Su calore cumpostu fissu gai  
 Per'ununda l'ammortada chi b'imbatidi.

Su furreddu de comare Antonietta  
 Pro su calore sempre istada appostu  
 S'abba pura de qualunque iscetta  
 Né mortu né isballadu lu attidi.

Est'invanu Nettunu si cumbattidi  
 Cuns'oceanu o cun'atterunu  
 Est'ipvanu si cumbattidi Nettunu  
 Cun'atterunu o cuns'oceanu  
 Si cumbattidi Nettunu este invanu  
 Mancu su mare l'attidi istudadu.

Su furreddu de comare Antonietta  
 Pro su calore sempre istada appostu  
 S'abba pura de qualunque iscetta  
 No lu attidi né mortu né isballadu.

Roseddu in logu no sda alanzadu  
 Assu furreddu a bocchire su fogu  
 Roseddu alanzadu no hada in logu  
 A bocchire su fogu e su furreddu  
 In logu alanzadu ho à Roseddu  
 Ca este peus de una saeta  
 Su furreddu de comare Antonietta.

Sa Rundine

Unu c'è tribagliadu mascaradu  
Ripettadu nox fidi notte né die  
Ma su tribagliu c'ada fattu inie  
L'ada su cristianu apprezzadu.

Oe est'ottu gussu ismentigadu  
Dae ogni erce e d'ogni dottu  
Oe gussu ismentigadu es tottu  
E dai dogni dottu e dogni erce  
Est'ottu cussu ismentigadu oe  
Su fagher bene de s'epoca passada.

Unu c'è tribagliadu mascaradu  
Ripettadu no fidi notte né die  
Ma su tribagliu c'ada fattu inie  
Su cristianu apprezzadu l'ada.

Dae dando sa vittoria à balanzadu  
Raccomando a la ponnere ins'istoria  
Dae dando alanzadu à sa vittoria  
A la ponnere ins'istoria raccumando  
Sa vittoria alanzada dae dando  
Leggede in d'ogni iscòla ogni iscolanu

Unu c'è tribagliadu mascaradu  
Ripettadu no fidi notte né die  
Ma su tribagliu c'ada fattu inie  
Apprezziadu l'è su cristianu.

A li dare s'onore ampramanu  
Lu dia diventare Imperadore  
Ampramanu a li dare s'onore  
Lu diada Imperadore diventare  
Ampramanu s'onore a li dare  
Già lu faghia cabu de ogni istadu  
Unu c'è tribagliadu mascaradu.

Sa Merula

Sos massagios antigos in s'arzola  
 Arzolaian su laore giutu  
 Appena ins'issenadu chi vi rutu  
 Nenardu cun Larentu e Nigola.

Assa vena e a s'olzu a pudigiola  
 Ins'ena segaian su presolzu  
 A pudigiola assa vena e a s'olzu  
 Su presolzu segaiana ins'ena  
 A pudigiola a s'olzu e assa vena  
 Cuapletu l'isolviana s'assentu.

Sos massagios antigos in s'arzola  
 Arzolaiana su laore giutu  
 Appena ins'issenadu che vi rutu  
 Nenardu cun Nigola e Larentu.

A bentulare attardu s'andat bentu  
 A balzolare a s'ora e su caldu  
 A betulare s'andat bentu a tardu  
 A s'ora e su caldu a balzolare  
 A tardu s'andat bentu a bentulare  
 Fid'usu de su massagiu istranu e sardu.

Sos massagios antigos ins'arzola  
 Arzolaiana su laore giutu  
 Appena ins'issenadu che vi rutu  
 Larentu cun Nigola e Nenardu.

Sa zapittera a giunta pro su ardu  
 Ca assa messera timians sa punta  
 Sa zapittera pro su ardu fidi aggiunta  
 Cu timians sa punta assa messera  
 Pro su ardu aggiunta fi sa zapittera  
 A d'ogni parte de sa terra sardignola.

Sos massagios antigos ins'arzola  
 Arzolaiana su laore giutu  
 Appena ins'issenadu che vi rutu  
 Nenardu cun Larentu e Nigola.

Su Rassignolu